

長

南室認藏 卷八

蘭室秘藏卷八

東垣老人 李杲 撰

明 新安 吳勉學 校

大便結燥門

大便結燥論

金匱真言論云北方黑色入通腎開竅於二陰藏精於腎又云腎主大便大便難者取足少陰夫腎主五液津液潤則大便如常若饑飽失節勞役過度損傷胃氣及食辛熱味厚之物而助火邪伏於血中耗散真陰津液虧少故大便結燥然結燥之病不一有熱燥有風燥有陽結有陰結又有年老氣虛津液不足而結燥者治法云腎惡燥急食辛以潤之結者散之如少陰不得大便以辛潤

之太陰不得大便以苦泄之陽結者散之陰結者溫之仲景云小便利而大便硬不可攻下以脾約丸潤之食傷太陰腹滿而食不化腹響然不能大便者以苦藥泄之如血燥而不能大便者以桃仁酒製大黃通之風結燥而大便不行者以麻子仁加大黃利之如氣滯而大便不通者以郁李仁枳實皂角仁潤之大抵治病心究其源不可一藥用巴豆牽牛之類下之損其津液燥結愈甚復下復結極則以至導引於下而不通遂成不救噫可不慎哉

### 通幽湯

治大便難幽門不通上衝吸門不開噎塞不便燥秘氣不得下治在幽門以辛潤之

炙甘草

紅花 已上各壹分

生地黃

熟地黃 已上各伍分

升麻

桃仁泥

當歸身

已上各壹錢

右都作一服水二大盞煎至一盞去粗調檳榔細末五分稍熟

食前服之

潤燥湯

升麻

生地黃

已上各貳錢

熟地黃

當歸稍

生甘草

大黃

煨

桃仁泥

麻仁

已上各壹錢

紅花

伍分

右除桃仁麻仁另研如泥外到如麻豆大都作一服水二盞入

桃仁麻仁泥煎至一盞去粗空心稍熱服

潤腸丸

治脾胃中伏火大便秘澀或乾燥閉塞不通全不思食及風結

血秘皆令閉塞也以潤燥和血疎風自然通利矣

桃仁

湯浸去皮尖

麻仁

已上各壹兩

當歸稍

大黃

煨

羌活

已上各壹錢

右除桃仁麻仁另研如泥外搗爲極細末煉蜜爲丸如梧桐子大每服三五十九空心白湯下

如病人不大便爲大便不通而澀其邪盛者急加酒洗大黃以利  
如血燥而大便燥乾者加桃仁酒洗大黃  
如風結燥大便不行者加麻仁大黃

如風濕而大便不行者加煨皂角仁大黃秦朮以利之

如脉澀覺身有氣澀而大便不通者加郁李仁大黃以除氣燥

如寒陰之病爲寒結閉而大便不通者以局方中半硫丸或加煎

附子乾薑湯水冷與之其病雖陰寒之證當服陽藥補之若大便不通者亦當十服中與一服藥微通其大便不令結閉乃治之六法

若病人雖是陰證或是陰寒之證其病顯躁脈實堅亦宜於陽藥中少加苦寒之藥以去熱躁躁上勿加

如陰躁欲坐井中者其二腎脈按之必虛或沉細而遲此易爲瘡耳知有容邪之病亦當從權加藥以去之

### 麻黃白朮湯

治大便不通五日一遍小便黃赤渾身腫面上及腹尤甚色黃麻木身重如山沉困無力四肢痿軟不能舉動喘促唾清水吐噦痰唾白沫如膠時躁熱發欲去衣須臾而過振寒項額有時

如冰額寒九甚頭旋眼黑目中漚火冷淚鼻不聞香臭少腹急痛當臍有動氣按之堅硬而痛

青皮

去膜

酒黃連

已上各壹分

酒黃蘗

橘紅

甘草

炙半

升麻

已上各貳分

黃芪

人參

桂枝

白朮

厚朴

柴胡

蒼朮

猪苓

已上各叁分

吳茱萸

白茯苓

澤瀉

已上各肆分

白豆蔻

炒麴

已上各伍分

麻黃

不去節伍錢

杏仁

肆箇

右咬咀分作二服水一大盞半先煎麻黃令沸去沫再入諸藥

同煎至一盞去粗稍熱食遠服

此證有風濕熱伏於榮血之中其木火乘於陽道爲上盛元

氣短少上喘為陰火傷其氣四肢痿在腎水之間乃所勝之病  
今正遇冬寒得時乘其肝木又實其母肺金尅火凌木是大勝  
必有大復其證善恐欠多噎噎中如有物不聞香臭目視眈眈  
多悲健忘少腹急痛通身黃腹大脹面目腫尤甚食不下痰唾  
涕有血目眦瘍大便不通並宜此藥治之

升陽湯 一名升陽瀉濕湯

治膈咽不通逆氣裏急大便不行

青皮

槐子

已上各  
貳分

生地黃

熟地黃

黃蘗

已上各  
參分

當歸身

甘草梢

已上各  
四分

蒼朮

伍分

升麻

柒分

黃芪

壹錢

桃仁

拾箇  
另研

右咬咀如麻豆大都作一服八桃仁泥水二大盞煎至一盞去

粗稍熟食前

活血潤燥丸

治大便秘血祕常常燥結

當歸梢 壹錢

防風 叁錢

大黃 濕紙  
裹煨

羌活 已上各  
壹兩

皂角仁 燒存性去皮壹兩伍錢其性  
得濕則滑濕滑則燥結自除

桃仁 貳兩研  
如泥

麻仁 貳兩伍錢  
研如泥

右除麻仁桃仁另研如泥外爲極細末煉蜜爲丸如梧桐子大  
每服伍拾丸白湯下三兩服後須以蘇麻子粥每日早晚食之  
大便日久不能結燥也以磁器盛之紙封無令見風

潤腸湯

治大腸結燥不通

生地黃

生甘草

已上名壹錢

大黃

煨

熟地黃

當歸梢

升麻

枳仁

麻仁

已上名壹錢

紅花 叁分

右咬咀水二盞煎至一盞去粗食遠溫服

小便淋閉門

小便淋閉論

難經云病有關有格關則不得小便又云關無出之謂皆邪熱爲病也分在氣在血而治之以渴與不渴而辨之如渴而小便不利者是熱在上焦肺之分故渴而小便不利也夫小便者是足太陽膀胱經所主也長生於申申者西方金也肺合生水若肺中有熱不能生水是絕其水之源經云虛則補其母宜清肺而滋其化源

也故常從肺之分助其秋令水自生焉又如雨如露如霜皆從天而降下也乃陽中之陰明秋氣自天而降下也且藥有氣之薄者乃陽中之陰是感秋清肅殺之氣而生可以補肺之不足淡味滲泄之藥是也茯苓澤瀉琥珀燈心通草車前子木通瞿麥扁蓄之類以清肺之氣泄其火資水之上源也如不渴而小便不通者熱在下焦血分故不渴而大燥小便不通也熱閉於下焦者腎也膀胱也乃陰中之陰陰受熱邪閉塞其流易上老云寒在胸中遏絕不入熱在下焦填塞不便須用感北方寒水之化氣味俱陰之藥以除其熱泄其閉塞內經云無陽則陰無以生無陰則陽無以化若服淡滲之藥其性乃陽中之陰非純陽之劑陽無以化何能補重陰之不足也須用感地之水運而生太苦之味感天之寒藥而

生大寒之氣此氣味俱陰乃陰中之陰也大寒之氣入稟之生膀胱寒水之運人感之生腎此藥能補腎與膀胱受陽中之陽熱火之邪而閉其下焦使小便不通也夫用大苦寒之藥治法當寒因熱用又云必伏其所主而先其所因其始則氣同其終則氣異也  
通關丸 一名滋腎丸

治不渴而小便閉熱在下焦血分也

黃蘗 去皮剉酒洗焙 知母 剉酒洗焙乾已上各壹兩

肉桂 伍分

右爲細末熟水爲丸如梧桐子大每服一百丸空心白湯下頓

兩足令藥易下行故也如小便利前陰中如刀刺痛當有惡物

下爲驗

清肺飲子

治渴而小便閉澀不利邪熱在上焦氣分

燈心 壹分

通草 貳分

澤瀉

瞿麥

琥珀 已上各伍分

扁蓄

木通 已上各柒分

車前子 炒壹錢

茯苓 去皮貳錢

猪苓 去皮叁錢

右為麤末每服伍錢水一盞半煎至一盞稍熱食遠服或局方

八正散五苓散亦宜服之

導氣除燥湯

治小便閉塞不通乃血澀至氣不通而竅澀也

茯苓 去皮

滑石 炒黃已上各貳錢

知母 細切酒洗

澤瀉 已上各叁錢

黃蘗 去皮酒洗肆錢

右咬咀每服五錢水三盞煎至一盞去粗稍熱空心服

如急閉不拘時服

腎疸湯

治腎疸目黃甚至渾身黃小便赤澀

羌活

防風

薑本

獨活

柴胡

已上各伍分

升麻

伍錢

已上治腎疸目黃渾身黃

白茯苓

貳分

澤瀉

叁分

猪苓

肆分

白朮

伍分

蒼朮

壹錢

已上治小便赤澀

黃蘗

貳分

人參

叁分

葛根

伍分

神麴

陸分

甘草

叁錢

右剉如大豆大分作二服水三盞煎至一盞去粗稍熱食前服  
痔漏門

痔漏論

內經曰因而飽食筋脉橫解腸澼爲痔夫大腸庚也主津本性燥  
清肅殺之氣本位主收其所司行津以從足陽明旺則生化萬物  
者也足陽明爲中州之土若陽衰亦殞殺萬物故曰萬物生於土  
而歸於土者是也以手陽明大腸司其化焉旣在西方本位爲之  
害蜚司殺之府因飽食行房忍泄前陰之氣歸於大腸木乘火勢  
而侮燥金故火就燥也大便秘閉其疾甚者當以苦寒瀉火以辛  
溫和血潤燥疎風止痛是其治也以秦艽當歸梢和血潤燥以桃  
仁潤血以皂角仁除風燥以地榆破血以枳實之苦寒補腎以下

泄胃實以澤瀉之淡滲使氣歸於前陰以補清燥受胃之濕邪也  
白朮之苦甘以苦補燥氣之不足其甘味以瀉火而益元氣也故  
曰甘寒泄火乃假枳實之寒也古人用藥為下焦如瀆又曰在下  
者引而竭之多為大便秘澀以大黃推去之其津血益不足以當  
歸和血及油潤之劑大便自然輒利矣宜作剉湯以與之是下焦  
有熱以急治之之法也以地榆酸苦而壞胃故宿食消盡空心作  
丸服之

### 秦艽白朮丸

治痔疾并痔漏有膿血大便燥硬而作疼痛不可忍

秦艽

去芦

桃仁

湯浸去皮

皂角仁

燒存性各壹兩

當歸梢

酒浸

澤瀉

枳實

麩炒黃

白朮

已上各伍錢

地榆

叁錢

右爲細末和桃仁泥研勻煎熟湯打麵糊爲丸如雞頭仁大令藥光滑焙乾每服五七十丸白湯下空心服待少時以美饍壓之忌生冷硬物冷水冷菜之類并濕麵酒及辣辛熱大料物之類犯之則藥無驗也

### 秦艽蒼朮湯

治痔疾若破謂之痔漏大便秘澀必作大痛此由風熱乘食飽不通氣逼大腸而作也受病者燥氣也爲病者胃濕也胃刑大腸則化燥火以乘燥熱之實勝風附熱而來是濕熱風燥四氣而合故大腸頭成塊者濕也作大痛者風也若大便秘結者主病兼受火邪熱結不通也去此四者其西方肺主諸氣其體收下亦助病爲邪須當破氣藥兼之治法全矣以判湯與之其効